

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY
NOV 30 1940

2

T5463/1122(2)

西齊庚申至壬戌詩

興化王仲儒蔡州者

知軍范大士

延今客來

東陽派余隱文狀分鶴惟憶數紙有職宗以遊真

不易流輝州見竟非難花明酒後三人醉語久更

深兩州寒有裝舟航共晨夕風光猶在客衣全境

就客寓樓其臥

洞閣僕波為君將近接來別數式西有松竹明

西齋庚申至壬戌詩

哈佛大學漢和
圖書館珍藏印

興化王仲儒景州著

如臯范大士拙存
丹徒李曾詞臣選

延令客來

東陽旅舍憶交歡
分隔惟憑數紙看
做索遠遊真不易
荒鄉相見竟非難
花明酒煖三人醉
話久更深兩炬寒
肯駐舟航共晨夕
風光猶喜未全殘

就客寓樓共臥

酒闌襍被爲君携
近接柴荆數武西
古殿燈明殘

月下春城鐘散乳鴉啼夜來絮語奚童記夢去遊
踪客路迷起步虛簷懷往事東風芳草正萋萋

熊畹生黃惠臣送程載錫入郡有詩屬和

楚岸風花落又開行人將發酒頻催烟雲驟合湖
邊驛去住同傾客裏杯別浦孤帆投暮郭重湖高
浪走春雷蕭齋日莫傳書到知汝衝泥帶醉回

三日程載錫招同李子廌諸子泛舟

楚客芳辰集平橋畫艇移水環山子廟花發左徒
祠白屋歸雙燕青天卷一絲年年脩禊日空賦祓

愁詩

黃惠臣自郡抵家投贈扇果

故人來薄暮厚意問閒居酒病先嘗果春愁細作
書傾盤涼露外染翰碧山餘自失雞鳴婦無由報
佩琚

讀惕菴湯公所作相國吳丈傳

登庸羣盜方雲集去國神州遂陸沉悍帥驕軍誰
用命長蛇封豕失成禽荷戈終鑿孤臣罪耕野惟
縣一死心不待千秋裁論定龍門史筆有知音

寄李雨商

昔當弱冠肩隨慣籠鳥盆魚尚可憐快意雲霄先
近日垂頭鄉井竟多年荒湖水漲饑仍薦重鎮秋
深信始傳兵氣西南今未散知君勲業在籌邊
大家就養南征日官舫乘秋江水平鄂渚清風顏
早悅樊山廣宴句還成爭看岳牧萊衣舞恰報湘
君竹笋生一樣慈恩吾獨背瞻雲終歲倚此荆

題顧臨邛草堂圖

別業林深原似畫主人詩好舊聞名幾時訪汝臨

江屋也聽庄前打麥聲

舟中餞客卽席作

斜風吹酒上征衣行李明朝定欲歸莫忘重來好
時節黃花將放雁南飛
輕橈畫漿泊沙汀話入離愁酒未醒不分好春無
意緒將風吹汝過陵亭

友人席上聽後堂琵琶

華筵酒半奏新聲翡翠屏風阻目成恰似湘江春
水綠曲終人影不分明

嘈嘈繁響落深堂四座無言欲斷腸不放蛾眉照
紅蠟大堤花艷恐驚郎

通州白叟七十索贈白諸子皆善琵琶

華堂羅綺映清暉東望蓬山一水違酒半鷓絃齊
入破滿天霜鶴向西飛

別喬雲堂

湖水連天會面稀風搖新柳燕初飛無端又遣離
人醉八寶城東草草歸

送熊峴生程二黃四用楚辭起句

悲莫悲兮生別離登山臨水送將歸揚州此去無
多路一樣啣花燕子飛

水歎

彈丸在釜底多雨非所宜今年九夏天赤日光不
垂乖龍披驚瀑噴薄翻滄池累月勢未闌風起雲
更隨百川盛奔躍一綫摧長隄嘉禾渺然沒四野
號蒸黎

淫雨旣不斷怒號多烈風郊園少平陸小屋洪濤
中穴壁作圭竇膝行兼俯躬盪胸盡浮藻簸浪如

舞蓬壞木壓無聲男婦一夕空皇天莫愁思噫氣
能爲凶

不穡十餘年富者已盡貧我貧自樂歲焉得辭苦
辛黽勉事耕種心力困一春頓隨逝波去破甑仍
凝塵饑飽信有命天豈憚怨嗔夢遊平成世暫作
康衢人

雪夜羅亦蒿蔡齡若來飲

日隱荒天慘歲陰客亭蕭瑟少招尋三人別久萍
踪合一夕寒增雪片深短跋偏明垂老髻寬杯聊

展欲歸心更闌莫話榮枯事荏苒泥途匪自今

酒後別蔡七

相逢客路見空囊濁酒殘更醉海陽明夜茱萸灣
口月一聲江雁斷人腸

送李湯孫入郡赴余舊館

清霜小院談經地我去君來亦偶然遠雁愁人烏
榜外春鐙送客紫蘭前遊踪依約長千里生事然
疑大有年今日黃金殊不賤莫將文賦傲時賢

作家書後寄舍弟

風花水國逢寒食行李蕪城憶寺樓八口苦饑惟
望歲寸心垂老尚容愁高堂往事重重淚斜景前
途汎汎舟見說使君知遇厚可能換汝敝貂裘

何阜看牡丹

十年不到看花地垂老春深又一來短髻已非今
日換穠芳還似舊時開風光漸轉先紅藥階砌全
荒俯綠苔莫擬移根湖外去西隣惆悵故園梅

立夏陳式萬衝泥來招飲

僧房長日關門臥細雨驚風作送春老去流光偏

眷戀愁中高會肯逡巡多時拚醉知吾病遠道衝
泥愧汝真豈爲更闌辭久坐巷頭嚴柝恐行人

周象先席上作

東亭地主能畱客分日追歡坐不歸氣候乍暄凍
雨過園林初夏乳鴉飛春潮綠蟻傾杯滿曉市黃
魚入饌肥况復平田少新稼多情損惠似君稀

季南宮招飲嘉樹園

名園不在郊遠愛蒼翠遶主人美遨遊十日費灑
掃今晨方穩臥聞呼起我早開門怪石落夾徑虬

松矯窄轉向空濶寬迴入深窅綿延塵境斷結構
拈匠巧傑閣臨風潭危橋跨晴沼羅羅千章木娟
娟萬竿篠連陰沈雲晦漏景浮光晶高花丹垂藤
枯幹綠纏葛躋攀倦崖磴經歷數洲島前登層峰
巔忽當喬林杪帶下睥睨伏野外川原小却顧所
居堂迢遙辨微渺態殊意莫測勢險舌易撓賓朋
互有叫僮僕各絕倒安得雨滂烹一洗溪山好真
州南郭園勝迹冠江表後來爾家上此樂吾鄉少
契濶二十年聚散秦淮道赤霄失孔翠黃金誤騷

裊羽鍛罷飛騰蹄溼竟衰老饑驅到珂里索飯類
瑤草感君念疇昔頻數置清醪解衣恣談笑頓覺
客愁了天末送殘陽暮色喧歸鳥把杯掉白頭身
世不自曉卑栖一枝陋騁眺雙眸瞭宦達須何時
肥遜以爲寶也願營菟裘醉別心如擣

卽席贈戴應商次黃仙裳韻

五十離鄉六十歸一身深出萬重圍更無書信羈
鴻斷纔到芘荆乳燕飛白首荒江仍短髮青天終
古自朝暉相逢且任慵騰醉莫話關山擁鐵衣

延令端午

淹遲江介兼旬客潦倒泥途半百人
白雨丹花逢五日分蒲解黍泣雙親
朋遊個個憐交晚燕聚家
家競酒新風物故鄉曾不異朝來
回首獨傷神

家異公兄以五日飲張芝園家索詩和

空裝跋履困征途愛客頻聞地主呼
月令已除芒種節風光又見避兵符
瞻雲何物禁愁得對酒他鄉肯醉無
大好舍人兄及弟江城細雨不曾孤

生日

強仕過來又八春五逢初度淚盈巾
生無怙恃難爲子日有窮愁莫問辰
孫氏故妻除服久左家嬌女寄書頻
雨深江縣朝慵起鬢髮成絲歎此身

立秋日雨中張芝園送酒

江縣秋生雨氣涼酒徒博塞坐深堂
正思酬勸連宵醉忽落提携滿路香
此會倒樽應不免何人洗琖竟先嘗
非君汎愛知吾病遮莫羈愁耐夜長

別葛二揆需

湖干判袂忽三年兩月追隨九夏天
落日每同幽

徑坐清晨常到客牀前
臨分僅僕猶相戀異地
星河各自懸明發登車
無限意憐君回首大江
邊

寄贈前輩呂半隱

霜天信宿吳州客蓬巷
逢迎錦里人半世聞鶻
垂老日殊方歸燕可憐
春閒從粉墨開青眼夢
逐衣冠拜紫宸一夕烟
波非遠道閉門渾似隔
風塵

南津暮發

南津薄暮東風急十里
荒烟舟自乘墓側依親
如望舍雨中吹淚總成
冰衰年况瘁心頻折往
事尋

思恨轉增四野天垂正
昏黑空村遙炯夜臺燈

與周大方山

三霜旅雁又飛迴異縣
麻衣相向哀白旄送親
黃壤去青山重汝素車
來愁臨短景分寒郭夢
把高文走夜臺冰雪荒
湖逼殘臘歸帆須待早
春開

季大端木行過南亭廬次相別

南郊羈雁數行鳴別緒
匆匆酒罷傾十里空村
同夜月半船殘雪下寒
城愁中金盡難畱客老
去心孤怕送行歸侍高
堂將令弟道余分手最
傷情

黃丈仲丹別後却述

幾日南亭住將行使我愁大河春雪路騎馬向中
州

徐槐江招賞海棠戲贈

酌酒城南好友家海棠春放數枝斜紅閨曾識劉
綱婦綽約臨風似此花

徐槐江送葡萄

涼颼昨夜葡萄院片月樓簷秋滿枝忽睹輕籠門
外寫纔分疎雨架頭垂嘗新未遣兒童喜薦熟先

深歲序悲釀酒仍聞香在甕大宛方法幾時知

輓陳檢討其年

上天育羣材美者難長世雲表墮來鴻哀音自燕
薊殘宵星漢轉驚歎故人逝東南多秀民陽羨擅
絕麗垂髫少保愛搦管王風繼浩衍舉諸家縱橫
富新製摘文必盡態使事初不泥殊彩威鳳騫逸
響霜鶴唳舊史鈎闕遺方言摘璫細簪葢入陶鎔
宗匠服精銳紅閨遊冶時白袷花晨憇廢苑走狐
狸寒春過舟柁雨篁山鬼笑颺輪澤隼厲故宮黍

油油寂歷銀海閉清笳和長笛怨憤秋迢遶高堂
鸚鵡螺畫燭麒麟罽酒酣自撾鼓歌發紛揚袂情
思繞幽曲笙磬落空際聲華動江關鬼物妒才藝
奮翼凌青霄蹭蹬艱一第低眉任飄泊摩腹厭粗
糲盼望膝下兒煩惱身上癘鬚髯空美好道路盛
氛翳祇甘溝壑休詎作騰躍計姓名列薦牘韋布
行謁 帝拜官 主恩厚定分冥數制簪筆金華
省始覺塵土離未逮叅講幄日暮飛鵬至孤僕鼠
思愁旅櫬蛛網繫跋涉此行難山丘何時瘞昔君

遊雉臯短棹蕪城稅法曹開廣讌未坐辱投契老
大吳陵亭追歡若昆弟烏絲問結撰馬齒悲畱滯
隔別五六年書信誤郵遞摧藏南溟心倉卒西川
涕朱門繁素交白骨願終惠載羅平生作追琢金
石揭君死文不朽壽且萬千歲

寄國子祭酒家阮亭

長歎仰天行請陳別來苦不面十四春春風思袁
浦年幾強仕未氣將飛騰許臨分勞眷注先路纘
吾祖低垂青冥翅蹭蹬伏泥土衆好覘眈聲霜翮

非所取已乏諧俗姿萬事亦齟齬河伯信不仁重
華日谷禹災沉饑肆游望斷一登黍邑里貫洪濤
入郭恣鳴鶻屏翳逃黃鉞天漏莫能補復驚妖孽
作飛走書揮羽巴蜀裁繹騷江淮遽蠶午軍儲轉
輸急廷議輕纓組賢關旣大啓銓曹亦僉序忠非
弦高商功異荀寅賈衣馬小人有冠蓋君子子躑
躅避道周敢云羞噲伍結契獨老蒼來往皆蓬戶
喜偕詩家流吟諷費毫楮貧賤固士常慘變忽心
腐削杖橫凜秋寡鵠判春廡連歲歲大無參昂在

魚罟枯柳啼烏鴉空房竄蒼鼠中饋乍躬親瓌屑
羣婢侮側聞昭代美英俊氣畢吐夫子首蒙恩褒
稱過鮑庾喬嶽竦赤霄諸峰率而俯平生所依歸
指匠紛接武俄頃雲泥殊特達及草莽吹噓我誰
冀姓字世不數鬱儀逐奔輪多難并終窶爲裘負
良冶伊蔚痛何怙哀號閏秋杪流血此創巨金堤
正潰決糠覈落寒杵夏屋梁棟摧侏儒謬撐拄一
錢不能名解摧仗明府藹藹張福清冰玉作肝腑
分坐容狂生談笑色不拒甘棠深蔽芾繁蔭抱環

堵以茲存生理無力謀兒女婚嫁竟寂寥親知孰
堪語蹉跎八九年俵俵但如瞽愾想入京華就君
卜所處君今躋大僚寧忘昔遊楚情殷眷令什地
絕鷓鷯侶更老帝者師斯榮由稽古扶風門下士
末席願終與桓文執牛耳未忍棄邾莒示我玉堂
吟照我金蓮炬斑鬢承弁沈醉更起舞神州方
晏安裨海貢筐篚五服崇文教六計最綏撫東南
沮洳區民生等羈旅勿謂匪職司君身國霖雨向
來奉指麾伯仲見伊呂匡時無限畧精白酬 聖

主得人圭可錫待君登台輔

雨中作

閒久身無力秋寒雨滿城
昨宵村裏住湖上夕陽
明歸棹逢雲氣空堦落水聲
自來天道遠不用卜
陰晴

稻秧無水下種豆亦堪餐
白露雨偏盛高原土不
乾多愁神智減屢空歲時闌
小睡須杯酒青蔬厭
滿棹

欲仗友生力真愁婚嫁催
長貧無婦歎故態有人

猜萬事秋聲裏雙眸夕望開不知新雁到誰帶素
書來

瑣細操針線燈前弱女勞蟻香貧後少蛩語夜深
高嬾可容飢婢寒方典縵袍室中無故物猶挂呂
虔刀

史卜周家看菊卽席作

烟雲開霽景窈窕入寒林不對高秋色應傷歲晚
心坐令燈影亂醉耐酒杯深十日花全放霜天許
重尋

秋興十首

平生蕭瑟今遲暮窮巷悲歌又早秋日御慣投蔥
嶺去江聲爭下海門流三霜草土摧蓬鬢四壁苔
花映蒯緱昨夕故人吟好句風前雜誦不勝愁
金風吹雁過淮濱八月青霄變夏雲野岸荻花初
瑟瑟空堦槐葉忽紛紛半生楚澤成魚服千里燕
臺隔馬群有客欵門聊快意深燈遙夜恣論文
蒸藜釀秫足生涯懶臥逡巡樹影斜欲卷輕裝衝
雨雪愁飄短髮犯風沙雞豚白屋閒閒地浦漵紅

渠處處家但使薄田秋再熟好憑歌嘯送年華
潢池憶昔弄秦戈回首滄桑眴眼過祇爲村春哀
啁雀頓教官樹繫鳴駝黃雲晝合冰天雪赤日春
沉瀚海波水毀木飢憂不細抹災循吏近如何
蒹葭野水日潺潺樓櫓南征昨歲還印竿馬牛芻
輓盡巫巴朝暮雨雲閒曾令龍種哀金柙枉抱雕
弓入玉關轉戰十年餘白骨西風禾黍感衰顏
配天山岳迥崔嵬俘獻園陵帳殿開駝馬弓刀隨
羽獵綺羅歌舞罷樓臺行厨一夕千金費絕域重

關萬乘迴扈蹕詞臣爭作賦風流都是子雲才
名王清讌啓朱扉壯士涼秋卷鐵衣今日夕烽無
警急遠煩中使播恩輝輕徑解網文何盛類帝禋
宗禮不違寂寞故陵來望祀晴郊凍雨四天飛
黃葉長干無限路五年不上寺傍亭神山暮靄高
秋紫芳渡寒烟一水青雨帆拂磯江颯颯風燈抱
墻月冥冥杜陵野老頽唐甚還望湘川賦獨醒
蕭條淮泗失朝宗極望蒼烟盡楚封絕漢九關連
虎豹秋風萬里肅魚龍潮來島嶼天何處船下滄

溟路幾重雲鳥茫茫西日暮柴門燈火又鳴蛩
無邊雨氣作秋陰暫霽開軒抱膝吟素練曳空頻
見彗絳河垂曉獨橫參菰蘆歲晚瞻天末江海人
來話夜深客醉殊方雖自樂酒醒還起故園心

平音諸子來飲菊下

摧藏猶有三秋興乞得隣僧數種花背日簾疎光
自亂縣燈風靜影還斜素心諸子來狂笑老髯繁
霜感歲華肯恕中厨供給薄等閒徐步就貧家
飲任念紹菊下

多時不踏幽齋徑露菊移栽忽滿堂老去愛花心
倍苦秋深得酒夜纔長參差艷蕊須高燭塊壘孤
懷喜急觴席罷更兼明日約恐扶殘醉步斜陽

朱與偕書來

連陰終日閉蓬門小豎傳書戶外喧野岸冬泥霑
竹笋江鄉春網落河豚味添飯糲中厨潤香拏餅
醪細雨昏湖畔菱蒲芽正發扁舟何惜遠相存

俞錦泉招觀家樂

法曲當杯那易聞哀絲豪竹漫紛紛朦朧老眼非

關醉滿坐陽臺夢裏雲
遮莫嚴城戍鼓催畱人
深夜宵教迴狂言欲發還
禁住不是分司御史來

西齋癸亥詩

興化王仲儒景州著
受業黃吉暹仲賓校

元日

昨夜雨隨風明星動遠空
我生俄五十他日白兒
童時俗輕衰齒艱危老
薄躬祇逢元旦雪歡喜卜
年豐

屢擬投人去徘徊興又闌
官曹文具盛世路直躬
難任性原非傲長貧且自
安春風不相棄早已汜

崇蘭

奉答涂大令紫峙枉駕草堂

春寒淑景過元夕日永蓬門閉索居貧賤只饒文
酒樂追隨不歎友朋疎半庭看埽藏苔雪粗飯催
烹出網魚見說客帆將遠適豈嫌頻數到吾廬

春感

雪消微雨益春寒兩日茅簷滴未乾無事喜憑烏
几睡千人畏展素書看花前顧影遺衰鬢酒後搔
頭脫小冠早歲心期渾不記故交衣馬自長安

欲散憂端仗濁醪正悲吾土寄洪濤狂霖秋偃青
禾盡急雪春添白浪高安得涂泥長反宅莫教城
市再容刀司空又拜溫綸出努力堅酬 睿慮勞

三日集適齋

令節寒如此朝暉不肯開幾時浮艇去亭午看花
來萬事貧難祓三春雨亂催傷多仍盡醉欹側夜
扶廻

次韻送吳聽翁遊粵東訪吳伯成司馬

此別關山欲判年江帆萬里下蒼烟洲臨漲海紅

垂荔香散蠻花白滿田爲訪雙旌過遠徼休教一
老滯南天尙書情好能多贈酒伴都添拄杖錢

送浮村上人遊天童

浮公乞我吟新句欲泛錢塘問武陵古佛舊懸寧
海日名山遙遲過江僧千花禮塔迷雙屐七祖求
禪見一燈難向空天生遠翼翠微從汝撥雲登

送毛聖羽廣文之官荔浦

昭潭龍嶽五千里垂老孤帆今日行海縣十年如
故國炎風雙淚盡平生鴉音不點池邊樹鳧舄徐

飛嶺外城一片穹碑吾道在江關回首重含情

夜雨

老夫獨酌轉成醒檐際流泉苦怕聽半世我辰秋
颯颯中宵甲子雨冥冥紙窗蟲響孤燈白野水魚
跳短穗青太息凍饑三十口江天雙槩故難停

將之南劍明府張蔚生先生枉餞

明府福清人

琴堂長日宴遊頻寵餞開軒禮數新水陸細詢將
去路關山重感未歸人燈紅酒碧心偏楚露白楓
青夢在閩莫定逢迎何處是蕭蕭孤劍信風塵

夜坐

涼夜臨階坐嚴城未起更海雲頻斷續河漢不分
明病易乘衰氣貧難信遠行東棹猶刈稻苦望一
秋晴

遣次兒秦松穫稻

汝今須學稼莫誤學文章七月天纔碧孤村稻半
黃稀疎垂積水早晚待春糧好去聽枕桔班班轉
夜涼

喜程載錫至

余將之南
劍未行

汝定來何日余應久在途愆期人忽聚昨夜夢偏
無童子驚相報衰翁起白呼盤餐從小婦先算滿
餅沽

留別張明府

也愛鄉園好南征不自由貧家兒女大晚歲雪霜
愁城抱千村水江邀一葉舟空裝無計發料理賴
君侯

感君憂觸熱留我到秋天客舫風涼進鄉愁日夕
牽青山新遠道白屋舊荒年過別蕪城弟饑驅兩

敝瓊

井邑羅丹嶂，鐔州公舊鄉。一肩秋度嶺，千里夢登堂。漲海來魚市，炎方去雁行。長途共僮僕，客夜感茫茫。

留別諸親友及舍弟

雞鳴披幃起，惆悵臨前除。皎皎半弓月，照我先人廬。敝廬何所有，散帙惟詩書。閉關物不爭，游息心可娛。胡爲輕遠涉，行與骨肉疎。當暑三伏殘，計程千里餘。

親在不遠遊，親沒煎百慮。兒女羅我前，焉能不相顧。青春結髮人，掩鏡卽泉路。沉災兼炎曠，游饑走儒素。迢迢閩海秋，榕橘千萬樹。浮雲暮北征，遊子朝南去。

封侯須及壯，快意須及強。頭上少黑絲，興發徒慨慷。在家守妻孥，神采焉能揚。布被畫盡穿，一算不得長。人生如天運，倏忽更雨暘。仰視光景殊，愚夫怪非常。

劍津華陽山相去不甚遠，我祖牧三峯。山泉似瓊

建遙望奔白牛俄頃喬林偃先期戒舟楫拯溺恩
豈淺遺愛垂百年不隨陵谷轉孫子老初來誰歎
逢迎晚前已酉年先少叅公令順昌值大水多方拯援救活無算事載郡志
中夏思戒途荏苒秋將仲三月須具糧我倉屬屢
空同心二三子惜別頗殷重勸客青荷葉解暑紅
春甕東舍復西家夕夕歡娛共未知歸何狀厚意
愧相送

兄弟無他人同胞一勿齋臨當遠離別遊處翻不
借伊昔侍高堂追逐如嬰孩行邁必相依在近必

早回豈知千里道獨往無朋儕念我平生歡垂涕
盈襟懷

登舟作

交秋彌三旬暑濕轉鬱熱其占則雷雨先之必風
烈親朋昨送我清濁楫互挈治行雖不閒意厚欲
何說敕廚細擘蟹兼味更羞鱉流汗倚北戶思見
寒泉冽陽曜忽沈光曛莽朱電掣豐隆逐羣動萬
壑一奔決涼氣稍蕭疎炎威竟衰歇爽生四座歡
不覺深甕竭送客高槐陰月出兒女列倦倦勸加

餐急理北歸轍長路能憂人請念頭上雪好語傷
我懷揮手今始別于役非王程登舟寸心折

揚州別舍弟兼示兒輩

殘月在舍東群雞亂將曉我當取長途行色何草
草年凶裝囊薄士賤贈遺少愛弟遮我留欲去不
得早追隨兩小兒話別傷吾老含悽顧我弟念我
先祖考素業餘一經清門向來好書田荒於水驅
迫就遠道徒然煎肝肺且復散懷抱訪舊古城南
開筵出芳醪燕樂悲須臾燈前欲天表明星秋郭

疎獨客江船小非我同父人離顏豈枯槁

陳式萬枉餞平山

城西烟水又新秋菱葉青青好盪舟轉過紅橋山
勢出鐘聲飄下洗妝樓

經年海曲足離情相見揚州送我行屈指秋中到
南劍一輪天鏡兩頭明

瓜渚感述

余丙辰夏寓京口其冬來瓜渚則母妻並
逝今七八年而先君又見背三年矣此地
故人卞耐
庵亦沒

玉山宿留悲歌地不到京江七八年短袖未乾終
古淚寒濤仍捲夕陽天經過况復親朋減懷抱空
餘子女牽觸忤高風搖槳去一椽思寄亂雲邊

渡江

渡頭雙槳蕩空天風甚還憑小艇牽吳楚對浮秋
浪外金焦交墮客帆前通湖舊急關城餉到海今
餘水戰船滾滾朝宗催節序中流悲憶過江年

過丹陽不得訪二蔡

蔡芬齡若蔡荅綺若

我昨經練塘行年未三十朱顏一以摧曉鏡霜亂

入兩過南徐宿百里雲陽隔蔡侯好兄弟結契迥
在昔離居雖復久心情比金石相逢但歡笑擺落
寒暄跡朔雪吹吳州伯氏來作客促坐竹火爐空
館無甘炙秋露還滿瓶蔬盤帶圓鯽羅生亦蒿醉
歌哀嗟哉折羽翮更深不肯去殘燭照愁色其後
音問稀玉曆忽三易涼颺舟遠汎會倚崑山壁絮
語應不休旅魂行有適川途獨凝滯嚴城閉昏黑
仰天噴星河臨汝後湖宅濁醪不散懷終夜苦轉
側日高雙櫓鳴已近毘陵驛

吳門呈涂紫峙

曾期雁後過君話今到吳閶雁未來十載心孤三
月別兩人天遠一樽開桂香交野隨風度竹影添
窗待雨裁做邑親知長倚望芳辰拋却讀書臺
吾邑每逢佳日必相呼登北臺

發胥門

竟夜胥門柝時兼鼓吹聽櫓搖波動枕舟熱卧看
星近晦月微白向晨山漸青夢中過震澤驚起望
空冥

次嘉興

楚客迢迢獨放舟江南風物坐銷愁殘星急櫓辭
吳苑落日危檣犯秀州醉里故城羅綺夜裴公遺
宅鼓鐘秋侍郎邂逅憐才甚問字無緣信宿留

秋岳前輩

石門感述

外父解蝶齋先生故治也其時余婦尚幼今已久歸窀穸而外家以貧不克葬悲夫

密篠穠桑入越天石門回首義熙年銅符一命酬
書卷畫嬰多春少墓田異代衣冠如逝水當時城

郭又秋烟紅閨婉變從親日猶在盈盈十五前

雙橋道中

霞起遠岫明雲來暮雨急把酒看青楓柔櫓去不
息

雨次杭州賃寓湖上

席重全欹郭舟輕早度關白曾聞越女青未見吳
山抱樹雲千葉臨湖屋一間盡開窗戶望終日水
潺潺

垂老滄江客清秋明聖湖雨來山盡失雲動增仍

無歷歷浮查小沉沉遠郭孤東岩西域冢獨得免

樵菴

上獨一山樹林蒼翳
回墓兵不敢犯

天邊靈隱寺今夕近孤燈客醉梁溪酒山思射瀆
僧空香吹碧嶂病脚覓紅藤無奈衝泥怯高峯負

一登

謂碩揆
大師

登孤山

客窗徙倚窮秋望彷彿亭陰碧樹間細雨滿湖搖
小艇短筇一箇上孤山齋鐘刹寺人如在劫火乾
坤鶴不還再拜四賢祠屋下蒼茫身世動愁顏

富春渚

昏曉續烟雨乘潮迅江路秋風能娛人復挂片帆
去雲陰漸離披石角稍呈露俯愛中流折仰馭群
峯互巒岼近態迎突兀遠勢赴四圍疑洪陂屢迴
出危渡參差富春堞杳冥赤亭樹豈知高深內亦
有市廛處坐困菰蘆鄉日想溪山趣對此心神舒
悵然行藏悞

桐廬道中

孤帆越桐溪江流漸驚急群水來上游混混走亂

石觸淺聲始怒阻隘勢彌激洶若海瀾翻我舟忽
颺疾竦然顧兩岸逡巡未移尺盤渦旣螺旋跳波
亦鷺立捩柁爭便風風微棹仍澁生事久錯迕艱
險從此歷沉吟看百丈裊裊牽秋色

龍游道中書寄舍弟

秋風驛路兩經旬絕麗江山憶富春水下浙東全
側注灘臨閩北盡橫陳衰年不信舟千里故國偏
懸月半輪午夜酒醒中曲亂幾迴撫枕到蕭晨
搖落誰稱大布衣躬耕吟望事全非年來隴畔惟

魚上書去天邊少雁歸月令露寒雷殷殷風燈舟
夜雨霏霏九龍山下頻回首不見潛虬出穴飛

在昔西林支遁舍茶香長日話湖山江郎已落秋
星裏天姥猶沉海霧間慘淡多春舟覆去虛無終

古錫飛還樵風涇畔傳衣冷拄杖溪堂淚竹班謂

山禪師第五句
用船子和尚事

尚憶郎官奉使年周親兄弟足留連山傳午磬行
尋寺亭抱風篁坐聽泉六改炎冰人易老兩依師
友事憐不知董相祠邊客馬首何時北指燕謂

弟

發清湖

山店興蕭晨遺暑今始散陰森入叢樾俯仰上絕
岸雨收涼颺外雲壓危峯半往來負擔會勞逸車
徒判越嶺何嗟峩閩疆尚霄漢回頭憐我僕脚軟
行步亂日斜投逆旅慰問更悲歎明發度霞關躡
勉逐征翰

江郎山

細雨灑征袂回轉崖坡間中天浮青翠始見江郎

西齋癸亥詩

山削成三高峯其下列岫環鋒銳惜不露濕雲行
未殘上有碧蓮花開謝無人看秀色落車前屢失
又却還巍然鹿溪鎮峻絕何由攀聖賢骨亦朽庶
物如草菅化作石凌空萬古瞻蒼顏

仙霞關

天窄不得垂四面山靈逞徒御愁躋攀色變自窞
嶺收脚躡危磴失墜戒俄頃奔湍常號怒陰洞未
暇靜參錯松栝林間以修篁挺力盡仍盤迴疑惑
無絕頂萬象忽摧崩巍然俯龍井從來守在德阻

隘豈要領祇今血戰休捫蘿散憂傲衰齒勞行役
斜日逐清景緬憶舊漁竿重淵理烟艇

大楓嶺

我有棲遁思僻陋迷所向秋風度諸嶺日夕心眼
放已從霞關下更攀青楓上半崖補危棧一徑裊
疊嶂登頓昧崇庫瞻矚喜清曠畫圻入閩封壁色
忽殊狀喬林錯森秀硤角爭佚宕流泉響虛照崩
石濺寒浪安得孤茆亭息偃托几杖此意祇茫然
憑高默怛悵

漁梁

越嶠昨行盡今程皆閩鄉高嶺罷躋攀輿夫氣飛揚
揚星奔奮健步未暮投漁梁陰風忽慘悽細雨絲
飄颺獨倚店門望我僕遠茫茫出門更北首萬山
連天長崔嵬浮雲黑浙瀝驚沙黃往來人漸稀落
日畏虎狼浩歎正無賴僕至相扶將小屋隣豕牢
編竹爲垣牆爭食猛交噬聲惡搖我牀夜分不得
寐攬衣遲晨光何似在家安展轉情內傷

宿漁梁

中秋明月夜將圓細雨隨風卷暮烟忽憶故鄉
首望萬峯遮盡北邊天

嶺頭日日問漁梁到得漁梁意轉傷店裏支願人
語雜孤燈今夜是閩鄉

建溪

夙興倚曉天白日動川霧船舷憂棹綆下瀨恐迅
去驚湍鬱瀆瀑怪石雜邪豎篙工汗被體揮手左
右顧欹側避觚觸梢撇一綫誤須臾失走險蕩槳
如脫兔飯熟方沃盥心神徐復故前途森亂峯洶

洶波又怒太息屢乘危焉能徑飛渡委身任險夷
定分安吾素

由浦城至建寧作

秋節又逢三五夕孤踪初入八閩天山高華月遲
遲上俗異春燈對對懸逆旅主人供薄酒故園兄
弟在芳筵槐堂露下清陰轉回首重關路幾千
城南南浦浦城橋橋近山城跨浦遙萬壑流平秋
蕩蕩千林涼動曉蕭蕭雕闌蛛網無踪跡古穴龍
宮已寂寥牧馬閒嘶鶯鴨亂居人爭說戰氛銷

五六

居人爲予

言如此

霧擁扶桑黯不開多年犀兕亂雄猜尚書節斧宜
威下絕島戈船送欵來何處鮫人傳涕淚空然蜃
氣吐樓臺全歸郡縣天王地日落蒼山白首回
維舟日日青山下憶弟懷鄉感歎多歸夢那能超
峻嶺空天原共挂明河秋晴稻晚催奴獲蟹壯菱
鮮喜客過忽聽灘聲驚顧久數家燈火出烟蘿

南入甌寧險益增川途彌望石稜稜微開斷峽容
舟落亂插昏崖使浪崩放溜貪看翻白雪聞湍苦

憶策紅藤晚來買酒酬三老回斡盤渦爾最能

登先鋒樓

祠後唐招討使李係

旅懷蕭瑟向清秋來上先鋒百角樓鬼馬異時鳴
鐵甲神燈終古出罈州東溪水落灘聲小北嶺風
高鳥道愁罷酒憑闌重惆悵霜天何日理歸舟

送徐桐封畧子歸里

正愁短札無人寄得附君還喜又悲遠道此行真
浪跡他鄉小弟最懷思秋高手失登盤蟹歸杳心
傷滿篋詩到日幸過寒舍問西堂桂藥發何枝

復慰二徐子

露下衙齋欲二更酒闌欵欵話歸程霜風飄飄漁
梁嶺水驛微茫橋李城負笈經過無限路封書憑
寄若爲情君家廉吏冰壺冷莫怨孤舟一葉輕

九日登明翠閣

衰年蹤跡入炎方白紵秋深尙未涼放眼溪山將
兩月驚心節序已重陽高城過雨催登閣疊嶂連
雲省望鄉寂寞柴荆東海畔古槐殘葉下空堂
忽漫投人遠徼來風烟千里一登臺虬松出石當

樓去雉堞凌空抱嶺迴故國天長鴻雁斷誰家秋
好菊花開昨年兄弟寒河上日暮憑高有底哀

秋感

蒼涼滿目西頰日飄泊千山南劍州地主淡杯空
勸客天涯好月不銷愁烟波有夢通青嶂藥餌無
方變白頭昨在華筵發狂態蘭膏繡被此生休
舍弟揚州歸未歸江天蘆白雁爭飛萬山獨夜懷
渠苦千里離羣在昔稀顏面淒涼垂旅橐心魂飄
颯到親闈吟蛩切切秋燈下老淚無端濕敝衣

四山寒雨晝兼宵聽漏傳餐度寂寥潭卧雙龍天
漠漠峯盤小鷺寺迢迢愁思荻岸吟吳榜歸路楓
林夢浙潮一笑平生無好况布袍依舊颯風颺

遙夜心驚風怒號滿壺空自汎香醪客慚阮籍言
能慎官想王尊掾失豪嶺樹千重迷驛道蜃樓萬
態走兇曹惟思一蕩螺江槩烏石金鰲策杖高

不見詩螺隱生高秋風物迴寒城飄零小院黃
花色分隔淡杯白首情可有征輪看北上更無飛
雁到南平故人好起漳濱疾幾度河橋踏月行

謂大

邨時舍弟擬北行
而徐平音又抱恙

太史樓船汎森茫雲霄使節擁恩光星懸絕島天
朝地冊授中山卉服王萬里歸旌搖海日九峯羈
客警寒霜家書在篋思相見一醉榕城雪嶺傍

謂汪

悔齋

鑿江朔雪天寧寺日瘦溪山凍合時青鬢短衣寒
色重絳帷高燭曉光遲錐囊穎脫蒙殊遇劍匣鋒
藏感獨知閩海龍門生死隔關河回首涕交垂

謂學

憲孫天
開先生

送汪悔齋冊封琉球

率土歸王制光天煥聖圖森羅荒服闊藉在小邦
孤詔簡金閨彥恩傳玉陛符霜秋辭魏闕川路問
澎湖雲錦旋徒御星施擁舳艫潮平禪海定波輓
颶風無綵筆鴻常戲仙山鶴易呼氣黃知近國烟
白喜遵途豎節群龍伏隨軒萬馬趨禮成求妙製
衰薄見名儒題石高華頂回檣寶蓋隅外寧今有
慶將子更陳謨

呈徐山甫先生

遠憶扶風帳來聽單父琴隴苗蘓雨氣潭水映冰
心茂宰臨花縣名區指劍鐔孔公一月醉楊子四
知金案牘粗酬酢神明凜戒箴本非塵俗吏惟著
海山吟鎮靜何妨簡周防竟厭深攢眉開郡檄搔
首對朝簪地少烟霞侶庭饒橘柚陰委懷遊廣莫
無意問升沉日想顏方少霜憐鬢久侵執經空在
昔落魄遽如今渺渺江蘆影迢迢塞雁音孤蓬凌
霧峽有弟隔雲岑磴險勞徐步杯寬教淺斟漸驚
殘歲序只念故園林節度冬迴斗筵長夜轉參好

香舒晚蕙清吹響春禽繚繚形徒構閒閒道自任
當年空作計欲偏九州霖

獨立

初冬天氣始新涼紅葉山頭未受霜獨立日斜懷
故國無端身老落炎方盤飧海味官廚少舟柁灘
聲水驛長於越到今千里外更從千里望錢塘

因入都人寄保定吳僉憲大兄

留滯延津客蒼茫上谷書關山悲遠道兄弟苦離
居冀北霜先凍天南木未疎懸知有家信只問勝

湖漁

旅次書空日低垂愧白頭所親無善狀何計有歸
舟被酒三更覺看山滿目愁崢嶸冬已半今歲在
鐔州

小弟故園住會期過北平人非甘作客事獨急謀
生婚嫁催衰老波濤撼縣城君侯吾骨肉感激仗
扶傾

和施當時草堂詩

南劍饒山水幽人任卜居徑香冬放蕙灘響暮歸

漁僻遠憂端少心神靜者舒眼看頻易主夏屋漫
渠渠

鐔州雜詩

二溪劍歸閣路入九仙山垠堦崩湍裏闌干絕岸
間異方空自到神物竟無還宋代遺碑石昏昏碧
蘚班

絕磴龍山上空庭見一樓攀躋終不到筋力老應
休井里蒼藤下城牆碧嶂頭此邦真地險攻伐每
無愁

龍山山一半直上道南祠遺像衣冠古虛簷日月
遲薄霜紅獨樹諸岫碧殘碑後死誰堪繼斯文實
在茲

戰船朝泛海驛馬夕安塘水擊鵬雲大天低鳥路
長論功從將帥請餉有封章莫令承平日王師又
裹瘡

選勝宜明翠秋陰引客登一松孤倚薄千嶂互馮
陵水檻沉溪鳥風樓閃佛燈誰知入城郭更在最
高層

至後南平雪人言往歲無紫崖天一色青草徑微
鋪盡日迷寒望迴風犯酒壺遠悲東海畔舟楫閉

重湖

聞說西郊外蕭公洞壑長鬱蒸猶挾纒空翠盡霑
裳日月窺中界風雷出兩塘凜寒難問道惆悵失
炎方

山多名不辨上殿最高寒磴絕行人少天晴積雪
乾僧扉依木末齋磬杳雲端鎮日牽塵慮深棲羨
汝安

城隅施處士亂後裂青衫奉母惟傭筆迎賓自荷
鑿野風吹几榻落日對巉巖相過無車馬門前草
不芟

寄舍弟

封書寄汝向天涯獨對蒼山欲午時十月家鄉寒
信早七閩氣候烈風遲圍碁小院飛蝴蝶被酒空
房數抹麗翠嶽萬峯高入漢不須覩縷話歸期

同毛蔚廬吳蘭皋過施當時草堂

冬深閩嶠風纒烈累月羈栖損客顏偶挈芳醪尋

勝侶因過華館看寒山城樓下帶烟灘黑閣道高
含雪樹殷見說斜陽更清絕天晴仍許叩柴關

登龍山

睥睨連山南劍城道南祠畔遶山行四天嶠嶂三
溪小一壑樓臺萬木傾磴草過霜浮日氣水門通
竹走泉聲誰言東望開懷抱塊壘乾坤正未平

至日

至日占農事宜霜喜歲豐天南簷瓦白未必故園
同

聞笛

嶺外春光早
羈人正憶家
不須吹折柳
昨夜落梅花

王尉瑞之邀登百角樓

記得高秋歸
思濃東溪一
望路重重
誰知臘盡人
猶在又上層樓看九峯

歲暮

別家將半載
爲客過千山
酒渴開朱橘
肴新膾白鷗
友朋詩賦外
心事去留間
待到春燈後
輕裝亦

自還

累月家無信
愁懷撥未開
泊船初泛菊
祠竈已殘梅
易送流光去
難逢好客來
幾時短棹洗
眼望蘓臺

夙昔趨庭日
何知浪出遊
萬山圍絕域
雙淚落征裘
老鬢經春短
深燈守歲愁
柴門小兒女
臘盡望扁舟

寂寞年光去
歸期空自嗟
山城無遠浪
冬樹有繁花
不睡愁更動
思春喜日斜
五迴南徼月
清影到

貧家

偶然作

生平逐朋侶語笑傾百觚
客舍轉獨坐旨酒頗有
餘遙憐故所歡累月與我疎
閭閻飄素髮輝輝撥
紅爐向來豈嗜酒愛與我友俱
酣宴旣過度豪氣
亦未除不逢裴叔則誰念孫季舒

日出如春暉片雲曳輕風
蘭蕙含新意蛺蝶遊房
櫳羈栖歸思繁鬱紆吾道窮
譬彼陰崖冰不受陽
光融元化無岐施慘舒
獨難同英英白梅花繁枝

滿牆東亭午褫薄絮素扇出篋中
舊曆除未竟寒
色在遠空枯薪莫漫棄留以溫薄躬

除夕

惟餘弱女共因依弟姪諸兒海縣違
身在二千餘
里外心傷四十九年非便逢春色
惟增老永負親
恩不用歸獨向燈前繙玉曆酒痕
淚點亂沾衣





